



deli 得力集团有限公司  
No. 6230  
No. 02260122号



162263







海珊詩鈔卷第十



海珊詩鈔卷第十

烏程 嚴 遂

玉屏舟中讀五代詩話詠南唐後主事十首

卷帛書成妙撮襟文房牙校印澄心歸朝不作降王長  
只許頭銜署翰林

暮雨凭闌風滿懷紫風流下玉生埋黛煙漸冷琵琶背  
為有香階金縷鞋

寶裝瓔珞九枝分稱體宮衣篤耨熏步步生蓮金貼地  
不如織小足凌雲

僧伽裁帽衣袈裟佛帳春寒四面遮桃李風吹輸一半

紅羅猶自買梅花

遷鼎南都議不終  
靈槎西下錦帆東  
割江已引屏風障  
那得盃中落皖公

石城舟渡雨瀟瀟  
隨虎明徵篆未凋  
金錯刀書金縷子  
如何抹筆誤金朝

振破金鈴染肆開  
番兒水上唱檀

檀音陀俗謂之檀

來可憐徐

舍人多事從落空中作豆魁

金箔櫻桃落暗香  
風吹池水玉笙涼  
不知世有牽機藥  
蝶舞鶯狂到醉鄉

結綬南歸愧可知  
樂官山下宴殘時  
海青一慟琵琶碎

絕勝秋槐葉落詩



結綬南歸愧可知樂官山下宴殘時海青一慟琵琶碎

絕勝秋槐葉落詩

瓊枝璧月兩模糊譜按霓裳記得無地下若逢陳后主  
多因治國少工夫

又雜詠五代事十二首

曲宴宣華唱柳枝朝天萬里執鞭絲僂樓烹燂厨當面  
家世元來是餅師

涼風吹水皺摩訶鬢亂釵橫柰爾何九十朱尼今已死  
更無人記洞仙歌

九龍帳子夜燈紅綵舫歌聞美滿風春燕進飛游轉樂  
荷花一路活秦宮

摸金埋玉送還家漢水東流夕照斜  
垂涕驚鴻徵舊曲  
春愁烟鎖木蘭花

五色靈芝骨本麤相公曲子嫁名無  
釣龍過馬經游處  
忍對含桃憶帝都

蕭蕭風雨客牕涼秋苑春城夢渺茫  
生長江南紈綺地  
北來翻食剥皮羊

司徒不作况司空流水桃花玉洞中  
九朶峯巒徵復起  
沈公竟不效何公

石裂金鷄事近誣西湖使宅免魚租  
雲英重見衣仍白  
不伴秦松作大夫

鍾舉玻璃滿酌之吐茵倒載出宮時  
尖簷帽子葫蘆樣

不伴秦松作大夫

鍾舉玻瓈滿酌之吐茵倒載出宮時尖簷帽子葫蘆樣

大好春光驛女詞

潘冢祠前漢水旁呼名叫斷野賓腸朝元閣與安妃閣

鸚鵡都曾問上皇

楚水通吳路不長歸遲母乃為青箱春風一夜飄零盡

白鳥雙飛下海棠

五七聲中曲已移喝馱子乃俗傳疑周郎死後無人顧

讓與西堂十四姨

竹車

激水灌田具無車止有輪輪有二相去一尺合編為一徑約二丈中支數十小竹為輻輪

外一扇一筒相間各五六尺綴附之扇長尺二寸闊半之入水則水激扇即以轉輪筒長如扇

口斜向右俯吸水而左仰以上至中高處則水  
 下傾當其傾處下剝椽木為水船瀉入田中層  
 層櫛比可使及遠然唯岸臨溜水可行其法先  
 于上流數十丈外壘石為埂由寬漸窄逼水近  
 岸開缺口寬深三四尺為轉輪道此需人力吾  
 鄉為平江路其法難行或山居有泉有澗亦可  
 一試比較水車何  
 止事半功倍哉

圩岸削立上有田外臨急湍方泗沿壘石遏防束以隘  
 輓雷怒拓喉龍寬竹施楸杙形取彎圍徑丈餘車輪然  
 再副其二為重環中安小輻著在劫咸傳軸心機轉關  
 孰為激之間用扇方幅狹裁相綴連隨風濡首驅使前  
 降如月蝕升鷹騫截筒口張載翕舌長尺有咫勢小偏  
 俯作牛飲水入腹左旋而上蝸吐涎半剝竹腹長于船

股束高架肱橫眠職惟仰承主假道尾留不絕泉涓涓

俯作牛飲水入腹左旋而上蝸吐涎半剝竹腹長于船

股束高架肱橫眠職惟仰承主假道尾閭不絕泉涓涓  
桔槔尚煩一夫力此法較逸人無權耕父歛跡清泠淵  
歲三百億三百廛我歸山棲營穀畝種秫種秔隨所便  
命工仿造老農喜官家在外三十年學取一具良已足  
寒冬只愁衣裝綿更須乞巧祀先蠶園客甕繭蜂窠懸  
宿鎮遠永安橋寓樓夜聞溪水聲有感

猺花犴草環參差黔中北門鎖鑰之有橋屹然禁踰越  
此船至城借峭壁溪為池溪水南來諸葛洞兩崖東帶旁  
無縫及此山勢更屈蟠圍之數重懸大甕甕中水嚙鬱  
則怒虎未啞人氣先餓遇石抵觸龍噴涎紅日當空風

雨過夜靜颼颼茶鼎沸朝喧浮浮飯甑破或琴或筑或  
 鉦輦隨水盛衰為小大嗚呼水趨沅澧滙江流直達于  
 海無盡頭我若迴船向楚尾可作吳興清遠遊田園易  
 主那暇理一盂麥飯澆松楸家家上壠作寒食時二月二十八日  
 腸斷溪聲是此樓

相見坡

坡三重迭起高皆千仞此以手招彼以口答響應若咫尺而不知其三十里之遙也

一峯銳頭出左右拍兩肩其形卓筆格坤斷乾三連咫  
 尺若暱就萬古不得前各各據其鼎孤撐爭霸權時復  
 相媿婿並馬秦虢韓我意聯屬之駕空樓飛仙閣道夾  
 欄楯雲氣為縈旋銜石之精衛中窪不可填登頓疲蹇

足蟻路秋毫緣呼嘯響捷報壑風奔驚湍垂堂戒發軔

岳岳公在系

欄楯雲氣為縈旋銜石之精衛中窪不可填登頓疲蹇

足蟻路秋毫緣呼嘯響捷報壑風奔驚湍垂堂戒發軔  
摇摇心旌懸

飛雲巖

天工切石如切泥搏之掬之紛刀圭亦復琢雲如琢玉  
巧匠雕鏤納山腹呀然一口中穿空其下湧綿擘絮螺  
髻何蓬鬆鐘乳滴成石變相鱗鬣森動雷而風咸與雲  
氣相追從當前矗立大華蓮花峯儼如三島浮自海上  
蓬萊宮傳聞巖性忌不潔徃徃呼泉一洗滌昔有身垢  
者宿此泉  
水突起彌漫山椒  
而澣之再垢復澣官中那有清淨身杉槽漆斛名無實  
既來未便大匆匆滿飲僧茶消水厄

崇安江

石級編排雁齒齊引繩徐渡岍痕低依山虎踞來諸衛  
挾雨龍游下五溪莊躋極船湄甕北唐蒙持節夜郎西

番禹不是經流處賴有黔書辯白題郭青螺謂江入番禹田蒙齋考正其

誤甚晰丁熾評云  
辨白題遜此精核

楊老驛

地衝而險屢經苗亂設城外有橋跨河  
廟祀竹二郎其河疑即避水禁民捕魚唯

官網  
取之

一塹截山腰烽屯設麗譙兒啼浮竹幻洞接大風遙大風

洞在三十里外  
其後門通此斷罟懸魚禁飛書落鳳鏢莒城毋恃陋

城石  
頽敗銅鼓擊花苗

過平越懷明李襄毅平播事

襄毅移駐重慶黔撫  
郭子章駐貴陽楚撫

夫可大駐沅州為犄角川師四各營



城石銅鼓擊花苗  
頽敗

過平越懷明李襄毅平播事

襄毅移駐重慶黔撫郭子章駐貴陽楚撫

支可大駐沅州為犄角川師四路黔師三路湖廣偏橋一路又分兩翼

播寇根盤七百年膏肓李靖握中權三方分鎮迺無地

八路懸軍降自天書詰近交

瀧澄安疆臣

除虎翼淚零悍將

劉躍龍淵還朝奏捷須臾事

自出師至滅賊一百十有四日幾度南征

笑麓川

冷溪曉行之谷溪

鷄犬聲遥樹亦稀人家多與竹相依濛濛霧結千絲網  
稜稜田栽百衲衣絕壑臨虛如玦斷迴峯聳翠忽暈飛  
不愁前路花無賴燒後黃緣草具腓

狝家

多樓居孟春跳月編綵如瓜謂之花毬視所歡者擲之其男子陰賊嗜殺唯用鷓鴣法稍

戢俗以米糝牲骨作醅至酸臭為佳

狝家女兒新樣粧巾蒙了髻如箕張短衣及腰才二尺

五色裙拖着地長破瓜年紀喉嚨小彘歌唱出晴絲囊

被風吹斷忽無聲聲曳前山青不了春塲草綠流鶯流

家家結隊拋花毬參差未定落誰手天壤所重翁多牛

聘賞多至牛三五頭淬刀躡屨花底活樓居酸臭空傾國學成

鷓鴣勦盜父兵只為阿奴應破賊

甲秀樓

明江公東之造田中丞震重脩有記在南城外釣鰲磯上画涵碧潭背霽虹橋其水

入粵西東距樓霞山二里

江公締造閱年多紀勝田碑字未磨地鎖燈流橫蟠螭

天擎柱石真龜鼉日月筆名王桑風已萎沿道宅

樓霞山二里

江公締造閱年多紀勝田碑字未磨地鎖燈流橫蟠螭  
天擎柱石鎮龜鼉月明筆札招王粲風起樓船制趙佗  
况對棲霞山色好環城空翠落簷阿

會城之水皆入烏江即洋河江唐蒙上書浮舟洋河  
制越第六句本此

陽明先生書院

先生昔淪謫馬曹名位卑耳目所聞見侏儻而盱眙從  
者饑且病析薪親作糜逆璫蓄蠱毒鍼瓊坐不時歛然  
中夜起若有人告之與汝安心竟了悟叅良知遂著五  
經說衣被及羅施昔夢王越劍光焰騰雄雌擒濠控岑

猛撫玩如嬰兒桶岡藤峽盜次第受平治平聲當其規石  
 柳九苑將安辭一朝輟誨席虎變風霆馳有明數將畧  
 文武真兼資龍塲訪古驛君子亭已夷庶迄竄蔓草熊  
 館蔽枯株中丞田新締構典型儼在茲四條問荅錄遺  
 聲傳金絲水西安宣慰三書曾致詞伐謀安反側功踰  
 十萬師壬戌一不戒安奢之亂禍變生瘡痍轉借後車鑿前  
 事彌可思盼蠻報明德到今行路悲

遊白雲山與僧談遜國諸偽書

山在貴陽城南七  
十里有菴名羅永

相傳老佛  
遊跡之所

黃石公書偽不真留侯亦是尋常人帷幄運籌其事秘

以之竊比劉誠意誠意果挾前知具債轅之駕何能斃  
 萬載西胡一雲氣付會刈成工筵已青宮者立商長書

黃石公書偽不真留侯亦是尋常人帷幄運籌其事秘

以之竊比劉誠意誠意果挾前知具僨轅之駕何能斃

偶識西湖一雲氣附會刊成紅篋記青宮儲位嫡長君

預與他年辦披剝金川門啟地道閉軒轅升遐為火帝

牢落西南四十秋詩出元人誰託戲江陵耳食輒以聞

傳信傳疑無定議二使胡濙朱祥齋香十四年鄭和屢泛紅

毛船網羅告密滿天地何物公然有程濟仲彬生平不

識字孫誣其祖置科第從亡客問致身錄年月日時皆

互異我鄉史筆三數公西河竹垞稼堂諸公老吏斷獄案足據茲

來禮佛羅永菴杉合東向乃向南洞中流米井跪汲點

人好鬼姑妄譚維貌之黜祀南八貴陽有南霽雲廟謂之黑神以筆

為諱王竹三之篁竹之篁改而從貴諱溪龍獻水一洗耳

白雲仰視縈山嵐菴前大杉數株謂帝手植枝皆南向有流米洞帝去則不復流又有井汲

者必跪乃可得相傳以為溪龍所獻以供帝

永樂十四年胡忠安還朝成祖已就寢急召入語至

夜半嗣後遂止掣躅之訪詔鄭和班師則行遯之跡

絕矣至題壁三詩謂在滇獅山龍隱菴者乃元人前

作江陵未之見耶然使天下大師果已歸老有墓君

臣安用此問答為亦足以破一妄也

柳坑所謂養龍坑在養龍司去貴陽百里事見明宋濂溪天馬讚序

龍性好淫牝馬貞一水一陸分道行而况齊大非鄭偶

胡然作合於柳坑兩山夾峙中停泓春日穉鬻花始明

歟忽晦冥起雲霧蜿蜒少跡陰易爭寶書其母絮寢處

龍性好淫牝馬貞一水一陸分道行而况齊大非鄭偶

胡然作合於柳阮兩山夾峙中停泓春日穉鬯花始明  
歟忽晦冥起雲霧蜿蜒沙跡陰陽爭寶璫其母潔寢處  
子氣無閑龍駒生絆而曳之齊其足毋使振鬣輕一鳴  
亦用古人胎教法責在千里期大成緬維洪武初開國  
明昇貢馬阮中得長十一尺高九尺人立而吼謝羈勒  
囊沙磬之游苑中追風躡電清涼宮文憲宋作讚晉馬  
作繪賜名乃命飛越峯世間英物不常有踰四百載阮  
長空太平天廐龍勿用吉行三十我馬同鼓車已却重  
譯獻蒲桃不錄邊軍功尋常惟肖銅馬式龍亦歸馴戒  
在色

黔中雜述四首

山周遭處路疑無石磴盤盤一綫孤躡險反教飛鳥退  
 絕深賴有斷雲扶花還念舊常相見泉自均輸不用符  
 正值春場跳月後搖鈴振鐸開蠻奴

蒸秣朝朝瘴氣重西行僊蹟失三丰何山不肖蹲龍虎

是石皆鳴曼鼓鐘諸洞中石鐘鼓皆擊之有聲一水懸流分楚蜀烏江

一說北入岷一說南入古州東合五溪入大江六時易候合春冬朝御重裘過午綿衣苦熱

傳竒最是花生竹玉粒珠梳濟病農某年貴陽旱竹頻生花結實如粳糯

民多採食味清甘獲濟

鬼方巫號大奚婆要熟湏從這裡過馬蚌凶于逢魍魎

蘆笙淫似唳駕鷺明知楚葛鉤腸少錯認燭麻螫手多



鬼方巫號大奚婆要熟須從這裡過馬蚌凶于逢魍魎

蘆笙淫似啖駕鷺明知楚葛鉤腸少錯認燭麻螫手多

更有金蠶光飲水行囊檢點佩囊荷馬蚌即馬蟻上岸如屋大蘆笙聲

如駕鷺之吹囊荷葉能解諸蠱毒

山谷書藏隋杏冥楚僧摹刻亦飄零永流凱里地名誰

提藥花照微垣不効靈撫署紫薇花大四圍高中夜

文成王曾悟道六年忠介鄒繼傳經天荒一破唐劉蛻

爾雅方言近可聽山谷離黔時留經史詞賦理學數百卷于學宮閱五年提學某以瘴亡書

畫散失黔人秦子明置石摹勒長沙僧寶月古法帖十卷置之黔江之紹聖院今皆無存

安順府提督駐劄

節鎮嚴兵地魚鱗萬瓦稠井參捫六詔襟帶綰三州嶺

碎分龕立雲低合掌收盤江天設險沉鎖制橫流

淮陰侯後

鐘屋難作有客匿侯三歲兒詣蕭相遣客作書與南粵王佗佗養為子封海

濱用韓半姓錫誥勒之昂罷其說得諸楚張燧今定番有韋番司其後也然問其受姓之由及

書與誥率皆不知而云無有

常番司是淮陰後其說荒唐出楚味復有程嬰存趙氏

由來士燮在交州間關萬里書誰寄著姓千年誥可留

姑妄聽之差快意漢家網漏小韓侯

白水巖瀑布

萬山水滙一水大勺勺聲聞十里外巖口偏仄勢更凶

奪門而出懸白龍龍鬚帶雨浴日紅金光玉色相蕩春

雪淨鮫綃落刀尺大珠小珠飄隨風風摺疊之繪變相

奪門而出懸白龍龍鬚帶雨浴日紅金光玉色相蕩春

雪淨鮫綃落刀尺大珠小珠飄隨風風摺疊之繪變相

三降三升石不讓有如長竿倒拍肉飛仙中絕援繩躍

復上伏犀埋頭不敢出懷寶安眠遮步障內有靈犀相傳吳叛時有

解餉官棄數我欲割取此水置袖中曰恒燠若書乾封

叩門挈瓶滴馬鬃槁苗平地青芄芄豈不賢於谷泉之

在香爐峰坐享大名而無功匡廬谷泉名三疊泉與此巖同

由坡貢之郎岱

望遠峩峩冠切漢衣襟霞舉天之半經宿崎嶇目已迷

雲烟各自開生面一峯暱近若舊識乃是三日前所見

以身盤磨蟻穿珠左縈右拂香爐篆高履星行下窺井



轉眼之間凡幾變區田隨勢列等差如規曲尺如劃線  
什什伍伍不成村殘梨在樹落微霰風無定所歷亂來  
画着聲碎彈翎怨

打鐵關

高懸無道曲盤蛇打鐵關頭取路差霧涌海濤噓颶母  
雲蒸山翠幻曇華俯臨萬仞疑無地旁指三苗近有家  
忽得一亭堪小憩冷然借作禦風車

關上有亭額曰冷然善也

渡盤江

鄂太傅作督時新改道江口自題其坊曰西林渡距鐵鎖橋六十里

盤江源出金沙江自烏撒入懸奔瀧踰二千里流益怒  
影砂礪石以力扛尸浮鼈令不知數天塹劃斷蠻夷邦

始焉貫絙三十六兩崖雲棧橫空絡有風撓之鐵則鳴  
人到中央壽良作後來文列喬客父巨才非

影砂礪石以力扛尸浮鼈令不知數天塹劃斷蠻夷邦

始焉貫絙三十六兩崖雲棧橫空絡有風撓之鐵則鳴  
人到中央濤浪作後來改制橋落成巨材排比雁齒生  
銳頭而上牛鬪角中跨鵬背魚貫行憐以板屋夾欄楯  
琳宮梵宇交回縈積日繁月計程度鬼神助役工非輕  
豈知迤西有僻路舍淺就深前事誤花河音地拿音捧鮪名黃  
草壩赴滇較近日無睹直從莊驕至于今地老天荒局  
鑄固偉人

帝錫荆竒功屹然坊建西林渡江寬尋丈水安流昔遁新  
獲罔用泗陰平間道取鄧艾盧龍絕塞規田疇鼃鼃為  
梁烏譙駕遜此平版龍夷猶省水衡錢民利涉棹歌一

聲飛白鷗

象責

普安州新開銀礦云夜見白象出遊

馬童之象所好義吸水噴泥以戰斃

州有義象冢死于明水西之戰

普

安之象所好利魂遊夜現金銀氣爾不見白水岩掛珠  
 簾泉下有伏犀懷寶眠彼徒硜硜自守虜爾乃能令廉  
 夫頑躑躅勘牖捶其塹虵行而入偃倭焉响响伏雌聲  
 走漏歛如風滅空手還有時水溢土頽鬆松肪一爇雷  
 冲天是皆亡命無賴賊睚眦動輒搯戈鋌追維禍始導  
 先路視冢中骨功罪何相懸如今披鎧執燧兵不用滇  
 南歲例克王貢膳隨四季柱山立瑞比祥麇狎威鳳劍

佩花迎柳拂旗瓶裝七寶朝儀重前車以賄焚爾身茲  
 月不或...

南歲例文王貢膳隨四季柱山立瑞比祥麇狎威鳳劍

佩花迎柳拂旗瓶裝七寶朝儀重前車以賄焚爾身茲  
胡不戒婪蠻峒爾惟火急驅除之毋誤農田春播種

由劉官屯之大山凹

半年少雨如火燔地龜背坼沙飛翻風挾山颺有殊力  
鳥耽林寂相與言石皴鬼臉大于屋花醜粉團饑可食  
轉過一橋涼滿耳涓涓不絕泉之源

黔行錄疑

山川無語石憨生碑刻傳疑未易明關索不書陳壽志  
復慶音公應易頤成名子能爵父千秋祀佛為尋仙萬里  
行那暇深求姑縱目三岔河上石花晴

壯繆二子長曰平次曰興興曾從武侯南征蠻無所  
 謂索也此關索嶺之可疑也玉堂漫錄鎮遠侯顧王  
 卒贈復國公夏上少一畫正韻不載此字贈夏國公  
 者顧成也此復國公祠之可疑也宋高陽都部署康  
 保裔以子承嗣為清江太守祀于新麥此與南將軍  
 以子繼英為貴州團練使得祀貴陽同一可疑也張  
 掣躡本道者流假其名以跡老佛從而仙之則倒馬  
 坡巾策西行之蹟又可疑也三岔河絕壁石花小如  
 掌大如輪花開時水大盛不能往及涸而尋之淨無  
 根瓣即目擊亦入可疑而碑刻所傳無論已

雲安坡

鐵索橋舊道白雲雲安諸坡鸚哥嘴等處  
 火仄峻險不可方物春夏連雨山水成湖



根辦即目擊亦入可疑而碑刻所傳無論已

雲安坡

鐵索橋舊道白雲雲安諸坡鸚哥嘴等處  
火仄峻險不可方物春夏連雨山水成湖

瘴氣無分朝暮逼近諸蠻橋于順治十七年康熙二七兩年屢經請帑脩治今新道則盤江至此淺狹路較平易避前諸艱歷代渡師舍之弗由直自鄂太傅發之誠異事也

白雲坡接雲安坡行不得也鸚鵡呼有鸚鵡寺手捫霄漢瞰

深壑劔刃倒插牙角羸劣容單騎一失墜毬轉圓石拋

頭顱雨霽成湖朝暮瘴叢篁密箐森兵仗屢脩屢圯鐵

索橋安得般僂將作匠何如鎮寧取路生盤江失險瀏

其清陳倉燒絕蜀道易波濤不與魚龍爭傳湯諸公明初

狃陳迹拯船削梯趨昆明水西渡師朝我亦迂拙貽

我太傅功告成烏撒已除七驛置奢香麓川無埃三征

平驂駟跨踔騁捷足萬里一塵今不驚

野花

春風如剪刀剪碎五雜組蝴蝶麻姑裙紛飛作團舞點  
綴溪谷間毋謂黔也魯土人棄物棄新材供爨釜移置  
無花處超然亦霞舉目成今則誰英殘躑草屨

悼冰牡丹

冰壽平女画得父風壻縱博  
穀負進巧画償之盖逸品也

宛然水養蠟封來家法流傳博士才只為殷君充戲責

玉纖親捧紫龍盃

止一蓋  
紫色

蘸得梢頭酒氣無印痕一捻可煎酥品題極妙曹宗婦  
不讓飛溪柳岸圖

賦得鷄棲樹二首

不讓飛溪柳岸圖

賦得鷄棲樹二首

有鱗如龍不能雲雨喙如鸚鵡不能言語鬣如鰕鬚帆  
檣斯舉割取成簾爾各不與龐然大也靈於何許誰錫

黃靈

鸚鵡花潭異龜身長而狹喙鈎類  
鸚鵡背生鬣尾帶甲如龍鱗



海月詩

卷下

七

嘉名黃能為侶漳江月色八景爾清夜遊桃花環匝與

爾目謀懸布跳珠瀑布千尺富爾所求潭深無底爾優

爾休繫爾遠祖浮洛獻錄二四為肩八六為足平平無

竒立洪範學爾虛有表無字煮腹駕龜鼉梁爾長弗屬

負巖巖碑爾狹弗副安所用之不才者木惟壽可知容

容後福



海珊詩鈔卷十一

烏程 嚴 遂成

題滇南勝境坊

歷盡崎嶇見此坊轉從高處得平陽月明手摘星辰大  
風暖衣熏草樹香山髡黥中羅釜缶朔頒海外達梯航  
有苗格後今無戰水習昆池陋漢皇

交水

即雷益州合盤江蠟溪故名孫可望挾永歷  
求封秦王李定國奪之去即此廢石梁縣在  
境州南

盤蠟交流廢石梁百年前數舊兵荒運移閏位無常所  
世亂庸奴亦假王部習蒙提皮服慣舊為磨彌部字傳

科斗筮師亡

閉珊居集精卜筮號筮師

龍華山色今無恙秧綠平疇

似水鄉

菜海吊沐氏別業

一名九龍池今半涸

黔寧

英追封王

開國初夙夜懷靡及繼世不永年

平西侯春年二十六

卒定遠

晟伯

戰屢捷三傳建莊襄

黔國公

崑著有玉崗集漸

漸文字起稍稍武功輯宴安媒燭毒臺觀水中立五華

山環之風雨與離合紅羗吸奩鑑碧漪熨衣褶擘牋狎

客並搖扇蠻奴夾踡場頭倒刺歌筵腰反貼沃以金澡

罐煖厠焚艾納多藏鬼瞰室甚固盜胠篋闖然沙定洲

土宣府聞沐氏富夜襲之盡據其所有家屬焚死

夕至朝以入灰燼落池寒九

龍夜深泣珠沉漁網利釵斷牧耒拾玉啼鯁蟲悽紺唾

縮落翌可處是文樓崑孫朝輔有駕驚瓦少陸萊圃不

土宣府聞沐氏富夜襲之  
畫據其所有家屬焚死  
夕至朝以入灰燼落池寒九

龍夜深泣珠沉漁網利釵斷牧耬拾玉啼鯁蟲悽紺唾

縮落澀何處是文樓崑孫朝輔有文樓漫稿鴛鴦瓦沙磧菜圃不

收魂曬乾金玉蠅化用庫中金銀海果變為田盛衰閱雙

塔海左即雙塔寺平滇穀諸將傳友德主帥藍玉與英為副潁川朝露溘藍

獄禍連染幾人保世業綿衍至天波石鎚揮摺脅朝輔至天

波又四世緬敵由根時天波無廢厥祖勲終始光史牒

三百六十區剗除龍漢劫此意問水濱荷花笑不答

金牛本銅質以金名在金牛寺前鎮髻水怪孫可望竊號毀以鑄錢後因瀑溢募銅重立

孫恩走苑餘盧循屠僂暴於無道秦假封秦王收召亡命造

私幣破壞四出連邊輪爾牛虎皮冒羊質剗之剔之燔

其身克貨鑄此一大錯躍不祥冶污錢神嗚呼金仙露  
 法金莖斷銅狄銅駝宮闕換六朝龍虎盡皈依萬里貍  
 狼應獸亂退掣降旗下楚江可望赴長沙降西南戎索疆蒙段  
 爾乃竄自賊中來認取昆明舊劫灰天亡銅馬山齊甲  
 地產金驢夜振雷晉僧朗住金榆山失所乘驢人見之化金驢矣一鳴響天下太平爾  
 不見寺前流水名上善爾去年年罔象現范形重領水  
 犀軍湔洗前生大公案

弔楊文憲公

博物如公帝所知排閭一慟荷戈辭不堪張桂皆當軸  
 誰與何王更致師蒼蔚高嶠即碧嶠公精舍生色畫纏綿杜宇

斷腸詩黃夫人寄外語可憐投老竦無日贏得搖花插鬢絲

和觀察南岡先生題浣紗記詩次韻



誰與何王更致師  
蒼蔚高峽即碧峽  
生色畫纏綿  
杜宇公精舍

斷腸詩黃夫人寄外語  
可憐投老竦  
無日贏得猺花插  
鬢絲

和觀察南岡先生題浣紗記詩次韻

書垂越絕了無竒  
別有槃鈴度小詞  
一飯未容留蟹種

千金只合鑄蛾眉  
荷涇露氣香消盡  
鶴市簫聲怨屬誰

配食江潮遺廟在江干有伍相與吳越王廟  
素車強弩驗殘碑

遊近華浦題寺壁

北枕鏤鯨川  
東風放蹶船  
碕蘆魚跋篋  
葑鷺翹田浪

勇山無底山隨水上下  
花深月不先  
貫休鐘一撞  
驚起夜龍

眠

泛嘉利澤

軋軋鴉聲起秋雲水始波裙鋪湘女翠襪剪洛妃羅牛

口囊沙大水出牛欄口沙常淤塞龍頭枕雨多上流龍巨河雨甚輒潰入澤中

流一捧腹奈此果然何

海潮寺

樹磬為聲苑綠垂山四圍漏雲雙堦過病雨一花飛魚

蕙攤僧飯蝸涎蔓佛衣無風空外響人說夜潮歸

訪三南居士石淙遺址由堂螂川觀聖水浴湯池

晚宿雲濤寺次壁間鈕翰林韻東友蘭刺史時

署安寧家

文襄將畧古頗牧早年鱗甲天池浴勅羽投林鐵甕城

猷猷歌舞三宵燭

武宗宴其第三日夕

石淙舊夢老難忘水聲一

文襄將畧古頗牧早年鱗甲天池浴勅羽投林鐵甕城

獸獸歌舞三宵燭

武宗宴其  
第三日夕

石淙舊夢老難忘水聲一

片琅玕綠蟾背浮空閃碎金龍唇穿罅溲嬰玉二泉夾  
岍源雙雙合流鬪捷騰飛黃茶錄採之陸桑苧糟牀滴  
于顧建康我來垢膩脚不襪假館道逢刺史方夜深洪  
濤翻海底風雨吸入雲滿堂君不見黔公題辭并庵記  
僧雛那識前賢事曉聞啼鳥似催歸花刺牽衣有深意

詣黑龍潭祈晴

潭深尋丈許方廣如几式其下龍泥蟠子孫占窟宅肝  
嚮走村農旱潦惟汝責去年乃渴睡馬鬣靳點滴今夏  
反故常大小陣以百之而長蔽天鬱華空溺職堤堰時

失禦苗身立者踣偏私慶獠田在山不在澤雨勤播斯  
 周更踐息牛力龍無耳有辭予豈為若役游戲憑一雲  
 奚暇相持擇利亦勿我德害亦勿我賊往視歸宿處停  
 縈面黥黑魚頭濺濺生香餌隨手釋爾不食于人何以  
 食人食潭魚屬禁食之輒疾答云官素餐太倉鼠肥碩事急瘞空  
 文搯約望賒獲耆然雷一鳴懸岬樹倒壁

上南岡先生

辛壬之交先生視學山左過阜城

十二年前挹使星至今懷袖帶餘馨歐陽史不脩三國

荆公嘗以歐陽公不脩三國志非是蓋因劉邦律文應義仲為五代史糾誤故云先生將有事於此那律文應  
 定九經唐谷那律號五經庫宋張昭奉敕詳定九經文先生以司寇九經解尚多訛缺為言絲竹

清遊無謝野鶯花勝賞有秦亭

鶯花亭以少游花影亂鶯聲碎之句得名我

定九經唐谷利律辨五經解尚多訛缺為言絲竹

清遊無謝野鶯花勝賞有秦亭鶯花亭以少游花影我亂鶯聲碎之句得名我  
來萬里緣何事只愛螺峰一片青

和詩

南岡

鵲湖車馬帶春星驛路花開滿袖馨萬里阜城空有

夢十年昆海但傳經全收注疏歸藜閣先司寇九經解宜將注疏

補分別劉曾待考亭三國正統自燕陽論惆悵華山

松柏好無邊風月眼青青

喜徐大田上舍至兼讀遊稿

遲君麥熟便應還麥熟還見王建詩直到如今始解顏人面風

吹三月柳馬蹄電掣萬重山從鎮遠匹馬兼程而至施之大有棟

余同龔曰晉  
書成語作對

海珊言金

卷十一

五

梁用得此多于林阜間正值庭陰新雨綠一聲么鳳百  
花斑

和詩

徐嘉穀 大田

萬里滇池匹馬還笑吞丹篆侍 慈顏新詩貽我開  
榛塞舊雨愁人醉曉山半幅煙霞生字裏多年聲價  
在雲間 粼書從此蠻天著典謁欣窺豹一斑

和薛天濤詠南唐後主詩

紗帽織裳盡室行回頭不見打標兵麝囊花下愁如許  
金錯刀中識已成漏語誰防徐騎省停歌劇憶李家明  
一江嗚咽春流水寫盡空宮梵唄聲

原作

薛觀河 天濤

榻前鼾睡可能開綠鈿紅羅貯玉顏譜自翻新散碎

一江嗚咽春流水寫盡空宮梵唄聲

原作

薛觀河天濤

榻前鼾睡可能閑綠鈿紅羅貯玉顏譜自翻新邀醉  
舞聲何入破念家山降箋夜向中原去香夢春從故  
國還忽地小樓風又起桺條遮斷秣陵關

和天濤詠陳後主事

滿江聞艦鼓停撾驢肉堆拌酒便加但道黃衣圍橘樹  
誰防巴馬起楊花降來十客猶開府亂後三宮亦出家  
盼得鷄臺重入夢幽蘭一曲按紅牙

東山寺

路無可入日無影萬綠垂天石橫梗螺旋而上得寺門

斑鳩一聲山四靜頗覺身與雲俱高俯摩樹梢如兒頂  
 有泉不放出林去貯以清磁瀹茗可惜誤却花開時  
 花開時節僧索詩僧僻有宜良張明府茶花等詩老嬾寧使花不見無  
 花意造花顏面

易門水城為黃眷齋明府題

易門因山為城小而孤大龍泉環之而山上無水昔苗攻城必過泉使內坐困明季王公

國勲始于西門外為重關水從地道入為備禦計眷齋明府今重修之民並祠焉

平川浩如海中央浮佛髻高八九仞餘圍以三里計城  
 削趾為墻雉堞齊階砌上無多屋宇下山憊水遽仰維  
 大龍泉灌汲一取給苗民數擣患長圍規便利土斷徙

其流暘者坐待斃經始明王公

諱國勲

重關峙大礪引脈



大龍泉灌汲一取給苗民數擣患長圍規便利土斷徙

其流暘者坐待斃經始明王公諱國重關峙大礪引脈

使暗通濫觴竅瀆沸歲久石頽圯脩築君善繼居安思

預防內捍釋外懼昔聞漢將營揚水敵退避宋臣鑿青

澗深觀井養義一水之有無攻守所關繫用敢勒此銘

報功祠永懋

題易署南軒

城在龜山上大龍泉距城五里

穹龜艮其背劍氣躍龍泉樹小不藏屋雲孤欲到天厄

迹真武斗

邑常地震時方九月朔

窮乞鄧通錢

有銅礦獲甚少貧民趨之

四面

山橫障僧衣畫水田

滇俗九月初一至重九禮斗明時永昌地震唯真武廟不動禮斗人

居其下

秋丁香

丁香開以四月此獨至八九月始開花粉紅色口含紫絲與常種不類以秋別之

四月同心結遷延伴拒霜紫沙

紫沙冪婦女粧名

為矮墮紅雨

得啼粧酒魄招山鷓香魂返海棠小蠻正豐艷秋未老

徐孃

武定城望獅山龍隱庵呈鄭履坡太守

佛火空山照眼明黔東庵亦白雲生

貴陽有羅永庵在白雲山上與此同

頻煩中使齋香出可許亡人托鉢行卹典未傳程濟謚

南渡卹典追錄壬午難臣頗濫無程濟其人

經科不載仲彬名

致身錄言仲彬以明經廷

試考科貢

先公入晉身遄死賴有長陵實錄成

先司空死事澤

州見成

祖實錄

渡白石江懷黔寧王平滇始事東南寧游執庵明

府白石江在曲靖城北二里

州見成  
祖實錄

渡白石江懷黔寧王平滇始事東南寧游執庵明

府白石江在曲靖城北二里

白石江邊黃霧塞扶桑暎紅天漆黑膽落近前金鼓聲

芒芒列陣未朝食臨濟兵從山後繞洄兒蒙盾中堅搗

斷紉生歸達里麻司徒平章降旗遙監觀音保雲南省

南詔禍唐宋鑿之至元迺設宣慰司八百媳婦交趾緬

務勤遠畧歲出師詎知筦內尚分裂臟腑患病醫四肢

潁川別取烏蒙道行省擒王成算早傅友德北應永寧

南入其城梁王把匝刺瓦爾赴滇池苑餘威南驚定邊營討思要勢東規

寧越堡降資阿通侯永鎮十三傳轉戰而西此地先瀟湘

江名在曲靖城南三里

煙雨今秋色蘆葦之間一驚眠

起馬塘隔崦樹色

俗名三十里箐即此

不知山起止彌望青無際樹亦若逝名少同而多異微  
風一簸盪海浪天吳戲有時雲欲歸萬竈饋餽沸絕壑  
泉收聲叢陰豺虎庇憶昔苗構亂中可藏兵器行行日  
未晡鼻尖森鬼氣

由待補過以濯河望納雄諸山先呈東川義太守

不聞一鳥啼雉鷓取何義

雉鷓鷓塘

不見一花飛香名梅

竊據

梅香古箐

老獠昔所都岨圍磊大礪中通道容趾團團

磨旋蟻地底俯深叢陰燼吹鬼魅天豁半峰晴半峰雨

未既擔樵者誰子時時逢虎醉太守此坐鎮朱陸勘同

異太守宗公徐訪庭川截要壽國十筦銅瓜戎个餘局

磨旋蟻地底俯深叢陰燼吹鬼魅天豁半峰晴半峰雨

未既擔樵者誰子時時逢虎醉太守此坐鎮朱陸勘同

異陽太守宗公餘飭庭訓職要籌國計笮銅孤城介黔蜀

大小關門蔽大關在永善縣東小關在四川界叛服隨烏蒙為其左右

臂抵巇或鼠竄伺殆忽鷹鷲鯨鯢几上肉斬殺動萬計

追原咎禍始元戎坐招致是維善撫綏毋虎冠而吏二

十五年來雍正八年始定它姓如入繼特茲後毋勤不以前子

棄投醪羣飲之何由釀兵氣居安戒垂堂攬景洵足記

石牛石鼓山有巨石如牛耕牧資金馬天馬山一名金馬戰場利入夜泉

涓涓無絃愜琴意

由水坪宿尋甸與額觀文明府夜話

滿林霜果落繽紛二月花紅正夕曛山與雲依相慰藉

水因石阻得聲聞兵鋒險道窺南戶戍火嚴城駐北軍

容易時清君坐嘯當年滇蜀此平分東昭二府昔隸于蜀州固滇北戶也

烏蒙出沒戰守時聞至雍正九年始定

野宿望秀嵩山

俗名搖鈴山南一峯曰小秀嵩在羅錦山南十五里敕雲山西十里

何處鈴聲起清宵小秀嵩屏開羅錦北障列敕雲東廢

壘沙屯月

孟獲立寨于此

靈旗樹嘯風

明吳雲盡節處

萬山高插漢有

路入烏蒙

拜升庵先生遺像

兵火銷沉後丹青尚儼然鶴癯掄杖骨松老著書年病

榻懸蕭寺戎衣委下泉遺魂躑躅未海浪黑粘天

入東川追紀烏蒙反王宣寄人善同京山月

兵火銷沉後丹青尚儼然鶴癯掄杖骨松老著書年病

榻懸蕭寺戎衣委下泉遺魂棘蜀未海浪黑粘天

入東川追紀烏蒙反正事寄永善陶京山明府

擔柴塞路中藏刀夜半火發城四均內抉門出外突入

萬蟻侘瑯雲湧潮屠宰老弱等鷄狗粘天雨血蒸風毛

堂堂元戎劉起規免脫馬寧而躓頭顱拋東川土酋良

珍祿暗通賊奎鄉木谷皆繹騷十日堵截郵遞絕勢危

繫卵懸孤巢間道得勝援師猝相遇黑瓜魁生獍鬪

虎號大呼鬥來漢書哈老大元擲筭洞甲穿弓弦既

左辟之一矢復應手霹靂鳴餓鴉幡然墮地禡其魄兜

鏊斗大鞞猪豪其餘跳崖死無算驚納妖豸見卷紛遁

迺遂趨松林稻田壩恢復郡治

改名昭通

功崇朝制閩

太傅鄂公

神威秉

廟畧發蒙振落沴盡消卧漏侯降漢陳立末恭顯城二拔唐

常臯玉斧不須劃大渡黔蜀一氣藩維牢二府東一我行

芒部想戰跡虛箐歷歷棚安茅蠻子蠻孫頗識字簪花

蠻女吹蘆簫

由野馬川過大石塘至小龍潭

一百五里塘汎外無人烟山後老荒

地裸居之

白雲忙於人知出不知處山勢率然蛇百里一首尾日

光懸半照向背分寒暑樹木頗有權反風忽為雨夏乎

不見人蠻鬼衣襟褸斬刈之所遺好與謀生聚螺贏祝  
類我幾則將蒞女今年沒有秋慶日暮需婁



光懸半照向背分寒暑樹木頗有權反風忽為雨夏乎

不見人蠻鬼衣襟褸斬刈之所遺好與謀生聚螺贏祝  
類我饑則將噬汝今年菽有秋爨烟暮濡縷

### 易門送余同麓明府

道所從來從夏環川知眼明一燈連夕瓶口傾誅茅寧

有棟梁氣結芥以居竿歷寂無雷霆聲估工胡友耳聾

學問為長故妄語酒漿不責非公評船搖軟浪地數子

姑去在莒毋忘今此情

### 贈江竹岑少尹

轉因相見惜離羣日下聲華得舊聞寒士誰應事吏部

長途古亦屈叅軍江革及弟觀為僧不易憐周賀姚念慈喪室棄

官有弟能文憶陸雲從弟咲我今如劉拐子看花拄杖

倚斜曛時余  
足疾

再和天濤詠李後主事

番歌一去更誰聽天寶遺音滿後庭烟氣暗生嬰玉鼎  
花光深覆皂羅屏只嫌搦雪無僂爪不信量絲有釣舲  
昨夜柔儀殿名鐘漏永秋風簾押振金鈴

秋夜海潮寺茶亭小憩

不斷香風拂桂枝腰輿夢醒一甌持寺臨馬埒無塵到  
更打漁榔有雁知海勢葑葑分容月少山心雲護報鐘遲  
摩抄忽墮遺民泪兩壁紗籠太傅詩石刻鄂總制還  
滇詩于東西壁

兩先生傳書後

山陰劉小山閱余明史雜詠詢曰  
詩至二百篇先高祖念臺先生何

獨見遺余曰身非史官不敢或否馬因專有所

摩抄忽墮遺民泪兩壁紗籠太傅詩石刻鄂州制還

兩先生傳書後

山陰劉小山閱余明史雜詠詢曰

獨見遺余曰身非史官不敢臧否偶因傳有所  
得直意為之然先生固吾浙完人即石齋黃先  
生當並書以補予闕  
迺以西先生名篇

念臺先生劉宗周

崑黨宣黨門戶始文吏虐拘武驕子上迂其言左顧誰

義甫如貓杞如鬼周温二相運移逆案又重翻偽奉福藩之

遺體弘光非福王子奕碁置鎮勢連鷄橫畜鷹蒼虎方乳安得

東林駐足地五事空陳歸去矣田間等于不為臣可以

死亦可無死劉馬齧齧欲殺之爭如一片西洋水舟人

扶出良復苦茗飲三旬粒食止從容祖墓坐無言間與

趙趙晰玄理何煩炎午生祭為朱無魂啼謝臯羽還有

相從地下人人師百世聞風起

門人祝淵王毓著  
皆先月日死事

石齋先生黃道周

太函經三易洞璣天文歷數皇極書窮年莫能竟其說  
推驗治亂指掌如胡乃勃谿屢觸諱人棄殺狗楊中樞  
至黨鄭鄆叱曰佞曾無一語受帝俞南都淪覆事良已  
又奉勸進表於衢命終丙年冊預定囚服別室母乃愚  
譬之父母疾不起惶惶祈禱延醫巫不然顛天以身代  
義無坐視野棄諸嗚呼留侯韜略率平淡卒擒項羽如  
孤雛祥甫鄧姓劉  
誠意師應真席姓道士  
姚廣孝師所傳授各乘際會為

馳驅獨于先生百無効獄脩杖戍身刑誅銅山島中懸

石室坐外養罷戎大需氏傳青名譽佳專學是書年三

孤雛祥甫鄧姓劉誠意師應真席姓道士姚廣孝師所傳授各乘際會為

馳驅獨于先生百無効獄脩杖戍身刑誅銅山島中懸  
石室坐卧養罷成大儒祇博清名著佳傳學徒瞻拜生  
悲吁

寄呈方桐城太保四首

畿輔塵勞甲九州心安鎮石樂忘憂酬賓一手干函了  
按部三時萬里遊差喜馬曹皆易位疏請裁驛歸縣只  
愁蟲達要封侯新例螞蚱處分甚嚴每此時移節河邊

住

歲于六月既望  
駐固安防河

細浪浮花狎白鷗

軟脚昌黎病漸增

兵過時墮馬傷  
足以不治屢發

南遷暮景已飛騰東

坡敢以它塗進公曹知為劇縣能白屋萬家多在水黃

河十月未成冰

是年陽武龍門  
十一月始合

秋來陽武關心切負土

填薪力可勝

去年九月陽武三決舊  
垣邑新隄搶護謹免

盤龍江歌

紀徐觀察典郡脩六河

六河置閘三十六源發于江海歸宿滿不即納輒倒流

盤龍江歌 紀徐觀察典郡脩六河

六河置閘三十六源發于江海歸宿滿不即納輒倒流  
齧堤之根潰堤腹龍乃打鼓垂其鬚躍入波中一沐浴  
高田下田如掌平可惜來楚時正熟十家相向九家哭  
便是有身已無屋太守聞之赤雙足帶水拖泥輿脫輻  
寒者以衣饑者粥畚鍤雲興龍退縮挖去汙淤種種稜  
歲仍有秋民受福龍忘前血居成功施施入廟饗酒肉

海口謠 紀徐觀察典郡濬海口

海腹彭亨海口凸亘起灘洲兩牛舌鷄心螺殼皆灘名銜  
尾來筭流夾岍從六州縣八閘出腰橫截龍乃徘徊無所之取

民之田為窟宅太守繩量以圭測掬去麤砂伐巨石數  
 錢論斗如其直深三四尺寬八尺水由中行奪門出龍  
 亦懺悔皈於佛瘡生榮衛盜入室內祓除之道用逸高  
 公雍正七年鄂公雍正七年前事師太守祇承神禹術

懷廣川守侯佩斯

爛爛眩岩電相親如負暄詩聲新叔迨俠氣老夷門法

喜已成佛不繼孝廉長嗣猶有孫諸姨解人意摩按到

黃昏憶昔遊宣府時韻語

宿近華浦

一島浮青水四環尋僧來趣放叅閑惜花綱要懸鈴護

避月船多載酒還露警鴻聲常到曉雲連樹色不分山  
 依稀此景西湖是夢斷殘荷積葑間



一島浮青水四環尋僧來趣放叅閑惜花網要懸鈴護

避月船多載酒還露警鴻聲常到曉雲連樹色不分山  
依稀此景西湖是夢斷殘荷積葑間

呈貢郎目

伽宗城昔踞諸蠻門壯如今不上關一片夕陽潮落後  
早梅開遍小紅山

襄勤伯鄂賁議死事伊犁

鑾輿幸中岳公渡漳河北叢臺夜將半燈火照顏色秋已已

鄆旅勉我在三義來書中語言離意悱惻誰知後會難生死

分絕域自聞公西行戎機資擘畫受降古所誠隱然一  
敵國嚴兵以自衛猶思禍叵測胡乃遠游牧充叔况金  
帛馴鷹未暇化餒虎徒手格星隕落如雨頽雲壑陣黑  
遙遙玉門關萬古長征客丈夫抱大志累屍當馬革瘞  
黃而不瘥取歎艾炷額死綏獲死所詎必卜安宅蹇惟

母在堂倚閭頭雪白閨夢望生還寒燈理刀尺九原如  
有知徘徊動魂魄孤彌可念

黃而不瘥，爪歆艾炷，額死綏，獲死所詎，必卜安宅，蹇惟

母在堂，倚閭頭雪白，閨夢望生還，寒燈理刀尺，九原如有知，徘徊動魂魄，藐孤彌可念。

詔襲襄勤伯，好時錄紀通，龍侯封廣德，恩澤降自

天，代興誓殺賊，滇中公舊履，屏障落遺，墨我具衣冠，拜酌

酒，泪霑臆，風吹救勒歌，月照韓陵石。

州屬海潮寺及茶亭有公書聯并石

二刻

海珊詩鈔補遺卷上

烏程嚴遂成

海珊詩鈔

卷上

三



海珊詩鈔補遺卷上

烏程 嚴 遂成

題旅壁畫

山山路斷絕以橋聯屬之松梢歌閣勢欲落雲扶持瀑  
泉白于線直下無旁支赴澗冥地迹激石淪以漪此水  
不可聽展誦王維詩

來月軒雅集

軒臨荷花池集者九人董訥夫景純  
扶搖承餘經遠對颺皆昆弟也異姓

謝文若王  
翻如及余

開軒月未來荷氣襲寒瀏賢哉東道主  
錢薦魚韭經遠  
于思髯叅軍箕踞座之右敬尾以短主簿偃倭循墻走

餘承長身頰其面扶白晳濯春柳如山心散軒冕景虎氣

騰牛斗對颺年都講訥夫時為閻分題唱一和者九嶰

管雌雄鳴鐘筵大小叩譚紛唇外焦聽勅耳內吼殷壁

隣里罵觸屏童僕詬日沉未許歸歸輒挽其肘明日亦

復然邛來去以酉歡獲十乘珠愁掃千金帚賦別良獨

難歸夢落虛牖夜寒雁叫羣殘月照魚留

雨後登逸老堂

葑田低罩綠烟濃三面迷茫一望中嵐氣暗分鴉背雨

浪聲寒挾樹頭風亭留荒碣無人醉寺隔脩篁有路通

忽地微香吹下界荷花開遍夕陽紅

池上

忽地微香吹下界荷花開遍夕陽紅

池上

濛濛不在遠方池水泫泫竹聲涼  
迳雨荷氣暖扶雲一室自春夏  
六時何見聞靜中吾喪我此樂與魚分

截句

日蒸花氣紅熏座雨吸山光綠到門  
野外朝儀蜂出使沙中偶語燕新婚

兒歸行

兒歸無名傷芝兒也

兒歸兒歸歸子不歸日之出兮爾於何飛  
日之入兮爾於何棲重陰蔽天霰雪霏霏爾戢而翼誰授兒衣田無  
杭穉隰無束梨爾引而吭誰恤兒饑燐青古塚木莽荒

少

有

二

蹊晝鳴鴉獍夜窳鼯狸磨牙吮血與爾驅馳游魂惘惘  
能勿驚啼吾為兒悲轉為兒癡知兒已死還望兒歸兒  
歸兒歸歸乎不歸

贈潯溪董承餘秀才

紫駝之背峯儼如望而知其為承餘

對人默塞數龜息市上禹步姑徐徐

置之邱壑入畫格枯木竹石神清虛平生多病病亦善

前讀前漢後後漢君自言初病讀西漢書再病讀東漢書牛溲馬渤敗鼓

皮入手幻成錦繡段江楓霜赤鱸魚香一牛鳴地潯之

陽片帆刺岬舍館定汗流奔啄根瓊琅純如鼓殘壁燈

滅三點五點懸星光搏桑日出人鼾睡履聲橐、聞繞



陽片帆刺岬舍館定汗流奔啄根瓊琅純如鼓殘壁燈

滅三點五點懸星光搏桑日出人鼾睡履聲橐：聞繞  
床主家老嫗竊相謂謂此羸者毋乃狂聞我打包告歸  
去意殊戀戀無別語目送孤鴻銜葦花飛入烟深不知  
處

夏日訪王抑亭明府于歸雲菴

掛冠著遂初皈心究禪典卜庵南山南屐齒印蒼蘚經  
聲出竹遲日色礙松閣寒翠撲人衣泠泠然以善寥天  
奄欲暮信宿伴幽覽風蘓暝禽夢月破山鬼胆孤嘯苔  
岨谷半空天籟捲

潤州

每冊詩少

甫貴卷七

三

法苑珠林  
卷一百一十五  
三

芙蓉樓外莽平蕪山色如灰冷霸圖節鎮六朝雄北府  
襟喉半壁蔽東吳海風夜湧潮聲大江樹春浮塢影孤  
為向杜鵑討消息花開還有鶴林無

桐廬道中

百里桐江路營邱畫裡逢水深仍見底山好不妨重小  
雨滋蟬響清槐護岼容隔溪蘭若杳薄暮一聲鐘

婺江五色石子

觀奕歌戲贈吳大廣維

余於奕居最下品  
庶勇之際謝不敏  
希逢鉅鹿誇戰酣  
屢坐滎陽被圍窘  
吳生輕我雅自矜  
謂是小冠子夏香  
鑪僧面戴一目易  
與耳掀髯踞局虎  
上騰一鼓再鼓三  
則竭手中漸漸生  
荆棘儼赴敵場懼  
辱國忠義勃然變  
顏色輸攻墨守窮  
所思蟬蛻槁木飛  
游絲計出萬全子  
欲落旋復改悔移  
置之間亦得利南  
風競暗許通盤主

必勝蔓延河北收鄧禹迅掃江東下王濬一劫乘虛遇  
反攻將敗未敗頰發紅項筋暴起大于箸此讐不報非  
英雄反唇而詬語刺刺我謹避之以囊括旁觀大笑筆  
之書死諸葛走生仲達

春日雜興書縣齋壁

春風不歸去燕以花為家衆綠如蛾眉一雨相矜誇山  
光開奩鑑爛爛蒸朝霞紛矚愜微尚衙鼓姑停搨

為念慈遺懷之作

時館  
臬署

不須惆悵燕歸遲且向華林寄一枝名士光陰多逆旅  
破書滋味在貧時甌從擔墮何須碩薪為車勞未便炊

只要此身長健飯白雲親舍有餘思

破書滋味在貧時  
甌從擔墮何須頌  
薪為車勞未便炊

只要此身長健飯  
白雲親舍有餘思

水南門

跪地垂楊颺麴塵  
嫩鳧毛羽濯波新  
青山如黛花如綺  
吹遍春風不見人

憶南中

空山雨後百重泉  
一夜春雷着地鞭  
誤却老僧燒笋會  
白雲滿屋聽禽眠

紀石樓袁梅谷瘞髑髏事

石樓古屈地明懷宗四年闖賊渡河入據屠剽

距今百有餘年矣庚戌夏署西北隅忽露一枯髑髏掘之鱗次櫛比斷鏃剥缺爰瘞之義冢旁且置田勒石歲奉祀弗絕焉余既嘉其事又重悲夫死者之姓名湮滅不可考要皆生不辱于

賊而死則碧血一抔何莫非勝國之勇夫義婦也詩以吊之

晉封夷吾地迺今石樓縣縣小山為城居民昔逃竄石  
 田廢春耕土穴斷朝爨隔河近米脂劇賊首發難吹唇  
 兵搜牢獻馘築京觀百年槎牙級癩瘻漬刀箭是皆耻  
 生降忍死就塗炭女不受賊汚男不從賊亂中宵風月  
 黑啾啾聲達旦里居既蕩析子孫亦糜爛誰復與招魂  
 春秋澆麥飯袁君蒞茲土撫循法稱善餘波澤枯骨幽  
 魂雪煩怨朱囊白木柙彙附義塚畔而我想當時賊勢  
 遠搏戰出入河南北晚登未央殿淋漓人油炸流毒天  
 下遍安得百袁君遂爾首邱願鬼亦異遭逢望空發遙

歎

下遍安得百袁君遂爾首邱願鬼亦異遭逢望空發遙

歎

舟過平望有懷王徵士載揚

載將歸夢上輕撓烟合重湖樹影遙白鷺一聲天乍曉  
銜魚飛過畫看橋

贈沈樗崖

諱廷瑞字兆符宣城人善山水祖壽民以諸生疏論楊嗣昌為東林黨魁

白雲長護在山泉與世相遺老可憐黨論舊傳元祐籍  
門風私記義熙年蓬萊東海三間屋薇蕨西山一稜田  
生業算來無長物摩挲粉本也潜然

留別歸安裘魯青明府

乙巳丙午余遊江西戊申明府宰歸安乙酉余入晉

辛亥丁外艱癸丑始歸丙辰余將入都

昔年曾鼓潯陽舵一色長天落霞舞瀑泉縹緲望珠簾  
香霧氤氳尋鐵柱三王遺跡但聞名藉甚君家好弟兄  
小隊纓鈴徐穉榻先聲旗鼓灌嬰城半面無緣一相遇  
寶山空指門邊路入潁竟失李元禮渡江不謁張子布  
飄然來上箬篷船采采蘋香住幾年西游我乃匆匆去  
月落參橫帳各天家山夢遠迷蝴蝶風雨聲寒泣杜鵑  
歸來耳井喧雷電神明人說歸安縣傳琰庭鞭一縷絲  
楊津騎獲三條絹有兒讀書年紀小大書特書好手爪  
蜀道曾刊劍閣銘鄙人正藉瑯琊稻吾欲聯為群紀交  
烏篷吟過駱駝橋芳草王孫春又綠笛聲吹雨暮瀟瀟

香樹先生復和再疊前韻



烏篷吟過駱駝橋芳草王孫春又綠  
笛聲吹雨暮瀟瀟

香樹先生復和再疊前韻

酌我忘憂酒開顏強自歡學黃老之退  
貽子孫以安蕙葉遲聲去春碧梅花  
矜歲寒美言良可佩何必紉秋蘭

袁松園明府會獵

未老方用壯無忙安得閑傳烽巾子  
嶺行炙玉芝山箭

作鴉聲疾旗翻日影殷龍城飛將在  
血灑虎毛斑時尹遊府

有殺虎事

題張總戎四時佳興圖為樸齋太守

蠶叢魚鳧天西頭山魈躑猿猱愁  
白雲一望渺何極尋親直到寧  
羌州呼天不應音塵絕黃蒿如  
柱麻如雪

淚落平羌江水流迷離化作啼鶻血一朝烽燧南雲擾  
 兵阻鄉關歸夢杳劍閣驀張霸李雄滇池豨突王莊驕  
 天兵上隴堂堂來呈身得隸將軍趙諱良棟黃皮褶袴大  
 食刁曲踊三百如龍跳旋隨諸葛搗銅鼓忽報常臯渡  
 鐵橋百戰論功開幕府萬里長城天北戶馬埒蕪青曉  
 試鷹圍場月黑秋剽虎十年池館樂昇平譜按羣芳妙  
 寫生手擘山川歸陣勢眼明草木識兵聲恒陽太守善  
 紹述留題半屬公卿筆黑王呼出怖兒啼孝思况是番  
 陽吉亦張姓尋親于蜀者披圖花氣暖如雲門外雪飛深尺一總戎  
年十七尋親于寧羌州遂入蜀吳叛路梗從戎積功總  
兵宣大十年圖其時所作也總戎面深黑觀圖日值大

年十七尋親于寧羌州遂入蜀吳叛路梗從戎積功  
兵宣大十年圖其時所作也總戎面深黑觀圖日值大

雪

不倒翁

范土搗楮匠心幻傳以朱粉形活現剗中弼外底象天  
唯圓遇動乃生變身衣無縫之天衣帽設重檐韜假面  
半啼半笑詭可憎三起三眠煩不憚以手捉搦懸旌搖  
貼地盤盤舞胡旋闖然躍立仰看天直哉其躬頭亂顫  
微似沉吟有所思氣定須臾殭鐵漢只恐偃師剖膠革  
竿木逢場一朝散世間宦迹皆等閑車泥馬瓦麒麟檀  
清河觀察陶未堂先生餉惠泉家釀  
錫山真面目此藥不為狂醇似周公瑾清于顧建康引

人踰本量撫景近重陽莫負黃花約南鄰借鶴觴劉中白

人山

樸庭下第將應晉藩之聘次韻却寄

參元失火是祥徵時家燬于火竟不還家讓爾能西去風寒

傷庾信南來日熱重徐陵莫言鼓瑟無神助絕勝彈琴

與鬼憎芳草綠楊沙上路招招車乘畏良朋

上元燈下

一樹銀花照酒卮滿街正是蹋歌時鼓聲鬱勃明王夢

鏡影沉銷棄婦辭鳳闕祥烟聽漏杳虹橋麗月步虛遲

紅圈綠暈知無數付與旁人拾荔枝

送朱方伯浣桐先生之山西

紅圈綠暈知無數付與旁人拾荔枝

送朱方伯浣桐先生之山西

癸亥秋交河災先生以霸州牧監南皮賑相會  
于東泊頭得梅花倡和詩四首將行余以生鯉  
魚二馳送之是冬余謝事次年改望都適先生  
典保陽郡出示秦遊十圖與舒嘯堂集囑序未  
幾由清河道奉藩于晉晉固余舊遊與戴郊君  
廉使孟東園觀察觴詠地也感逝傷離一時併  
集不覺其言之長矣

衛河我于役公主南皮會玉笛賡落梅筠籃斫生鱸是  
時旱太甚哀鴻四野聞救荒十二政何以荅

不念爾祖衣杵舂腰床則移到頭拜賜華林省蟬冕飲  
藥至斗餘如此貽歌力前徐勝後徐

書隋陳夫人傳

金合同心結一個到死方知獨孤誤貴為天子不自由  
聚麀忍作傷神賦珠簾玉箔不長春不如燭飲先朝露  
恚而却坐悔應遲金駝金蛇規內助

讀北齊書三首

大龍首尾入夢時舉手上指阿禿師相法何由得天子  
塗傅粉黛成癩癡左季舒右桃枝街巷游行則負之聚  
棘為馬拍胡鼓登脊三臺舞雅舞有刀不以斬亂絲惡

戲乃務楊大肚宰輔呼來進廁籌龍逢比干置急流探

棘為馬拍胡鼓登脊三臺舞雅舞有刀不以車爾經兵

戲乃務楊大肚宰輔呼來進廁籌龍逢比干置急流探

懷一具琵琶骨也作人間供御囚齊文宣

伏神虎門屯甲士腦滿腸肥一龍子龍子固自不凡人

射人數步眼光紫可憐食輦侍中迎四男遺腹皆幽死

當年榮寵救瑯琊綠李新水賽大家記得齊聲碎赤棒

華林張幙隔青紗瑯琊王儼

緋甲重重眼中鐵井泉禱湧寒水液鋪瓊截稍出長城

絕勝段婆送女客無端髻臂見長人詔下二宮誅不臣

永巷游魂應歎息珠簾美女伴餘珍趙郡王獻

讀北史四首

明君言愁方未已  
嫋嫋秋風起木葉  
洞庭波揚舲吾去矣  
去矣復來遊公領眾  
諸侯低頭拜床下  
浮雲齊高樓高樓  
樓雲五彩照我顏色  
改蕭郎作騎兵前言  
恕無罪示我宦遊  
園花繞帝王都秦箏  
挾趙瑟舒嘯堂之隅  
薔薇露盥手侑之以  
醇酒醉忽放清狂忘  
其牛馬走公顧心許  
之爾毋公廢私如以  
常禮待將安用我為  
感公終古譽鳳蔭龍  
淵攄每飯不能忘驪  
駒忽在御舍我竟西  
行附書與故人故人  
跡如埽池塘草不春  
春草池塘夢月明  
千里共土門一綫通  
迢迢以目送目送步  
遲遲彈琴空所思槐  
陰夜來雨隔葉啼黃  
鸝

聞瓊臺晉禮侍

御試翰林竹泉春雨圖賦學士居  
最遂晉是秩仍兼上書房行走



所思槐陰夜來雨隔葉啼黃鸝

聞瓊臺晉禮侍

御試翰林竹泉春雨圖賦學士居最遂晉是秩仍兼上書房行走

簡素如故迎養太夫人不至夫人勸別納妾不許

凌雲一賦冠卿曹入寺壺漿手自搯曲宴誰能容冶葛

菜名從此去邪蒿避嫌有道貽恭武

吳孟仁本名宗

悔過無文

責竇滔只是垂簾紅燭下忍寒風雨夜蕭騷

書徐湛之傳後二首

附孝嗣君舊

安成食臨汝飾枝江縣侯乃兼得獨不念爾母衲祆錦  
囊地上擲到頭繞壁檢行時北戶屏人燭光滅嗚呼風  
臺月觀望鍾山竹藥成行鬼其宅

南路徐北路魚山川荆楚入華胥金翠拋殘丁部書獨

務農春夏學三冬

李鉉曲說傳家八十宗

鄭玄論語序以八寸策為八十

宗曲為之說

雙鳳脫衣癡不免

陰鳳任人疥指駱駝峯

劉畫

門戶多岐真不聞

樊深子弟

河南碑訟晉將軍

熊安生

阿兄那

得知名士

楊休之弟俊之

憤撰高才不遇文

劉畫

翠聳孤楊占早春

楊素

市瓜貧士不逢嗔

楊惜

坐盈一榻成

何用

常讓

與輕儇著翅人

韓果

刻木機關坐起之

柳誓

郭尖未銳

郭景尚

李錐遲

李世哲

識來

已過千餘字

梁臺

不怕人呼昨暮兒

何妥謂蘓夔

樸庭書舍涼棚意在梅一可卷舒者而匠氏無其

術因裁令半之賦此以答

暑寇猛於虎亦復如吏酷何法蘓醒之蘆蓬周四角障

術因裁令半之賦此以答

暑寇猛於虎亦復如吏酷何法蘓醒之蘆蓬周四角障  
日欣有餘延月苦不足風槐搖綠陰隔帷奏琴筑物理  
難兩全此羸彼則縮拙匠乏天巧知直不知曲安能手  
拏雲卷舒與龍逐主人位置宜裁令徑邊幅起于簷之  
牙及于庭之腹朔南割陰晴旦晚分寒燠得半毋取盈  
吾學黃老學

為王少逸山人題照

桃一柳二  
有水無山

春不爭多少最宜亭午晴桃名華獨座柳侍董雙成草  
遠遮山色烟平減浪聲凭虛招白鶴飛下斥邱城

善筆  
山人

答李坤四孝廉

涼月照孤幌遠風吹素襟  
遲君來夏序老我抱冬心  
故物誰求劍新人不愛琴  
西湖烟水夢廿載戀知音

癸卯春諸

名士會于西湖與者百二十人

寄陳元甫學博即送其赴禮部試疊前贈詩韻

折盡恒河柳三秋雁未歸  
人從黃叔度我憶謝元暉  
日落闍黎飯蕭蕭蓋篋衣  
憑君討春信一片杏花飛

雨夜黃壺溪留宿

歸心蓬勃急于火車驅車驅  
及犇馬時邀于路援止之  
斷斷不可計甚果閨中昨已卜  
金錢例限一踰法當坐

今夕何夕急扣門為雨勾留不為我  
我為燎衣坐未寧

齒齒不可言甚果墜中昨已一金銀便隨一距法管三

今夕何夕急扣門為雨勾留不為我我為燎衣坐未寧  
亂繙案上芝蔴經旁及史事略枚舉如秘石室初開扇  
傾耳聽之我起舞談詩如鬼忽如虎凡近之相乃婢耳  
是為數典忘其祖嚨胡刺刺鼓不休花轉欄杆月亭午  
君亦嗟嗟坐屢遷謂我吏也何學仙仙人不食且不眠  
君乃有眼不交睫叫囂驚起鷄桑巔下令斷屠具茗飲  
余以病斷肉唯茗酒不廢無異吸露之涼蟬我言眠食要有節腹受  
水多煮字活睡鄉抹煞好風月仙最不壽學不得消磨  
千年筭七日大笑出門雨又來車馬衝泥頭不回

歸渡沙河弔明新樂故劉侯死節事次東麓錢太

史壁間韻

茫茫此走邯鄲道  
 瑟瑟聲淒咽河邊  
 草何處遺封認內家  
 神光離合游龍矯  
 臨危夫壻尚相莊  
 樓火通紅哭一場  
 居庸蕩蕩憑誰守  
 蟻潰金隄失巨防  
 上殿吹唇笳鼓競  
 臣心如井波常定  
 甲裳裹血字淋漓  
 留取香名聳賊偵  
侯卸甲蓄指血書  
姓名其上投井死  
 全家無骨返青山  
 吊古傷春欲暮天  
 桃花雨退蕪深綠  
 臨水白鷗相對閒

為具茨太史題高松對論圖

自誌松老中空其下有井先為前明項襄

穀宅中物

種松人已閱恒河故宅依稀認屈沱  
莫恠龍鱗今盡老

閉門歲月著書多

種松人已闕恒河故宅依稀認屈沱莫恠龍鱗今盡老

閉門歲月著書多

大陵偃蓋與雲平絕異尋常拔地生一鶴飛來風引去  
三層樓上不聞笙

送維謨弟登第南歸

細襪平康穩步遲昔年被放夜來時如今售得干秦策

忍檢紅窻錦字詩時已悼亡

澧州道中

旋折如紋一水長棹歌聲裏指涪陽登山朗月誰能嘯

隔岸幽蘭尚有香朽骨苔淹螢渚暗車武子墓在此殘書蟲蝕

桂堂荒有劉大夏讀書處又只今捐珮何人在白鷺飛

邊意渺茫

姊妹山

江南北西山相對舟子云此姊妹山同此脩行一成一不成故名此妄言也姑妄聽

之

無獨必有對此山名姊妹同行事焚脩分山為兩戒其一得正果去赴王母會其一迄無成問年半老大彭郎自有婦將以誰作配山名既復佳雲烟合蒼蒼何乃童童然寡髮衣破裊審知東西向面各朝其外江心展鏡奩不照雙眉黛遊人洗眼來袒而示之背倘主芙蓉城  
裹核願樹北

由桃源之沅陵

悠悠沅江水杜若採芳馨芳馨一以採招我前山青美



由桃源之沅陵

悠悠沅江水杜若採芳馨  
芳馨一以採招我前山青  
美人倦梳洗椎髻為蠻形  
今日復昨日尹去來非邢  
微雨巧蓋護薄暝垂雲駟  
隔帷夏侯伎樂奏泉泠泠

由松歸之上中寨

引人泉是一絃琴轉過松林又竹林  
花怯風來知夏近  
犬驚日出為山深  
鷄埏鈇戈羅竒產夔鼓銅簧入好音  
最喜臨街開講肆  
喁喁多半學吳吟

泛海行贈昆陽方通守友蘭

鷄青其頭鳳丹紫

碧鷄關  
彩鳳山

倒暈雲霞幻海市  
時平不見

習流軍藕絲孔縮垂龍苑莽莽  
淫淫葭菼中魚勇魚翁

鷄青其頭鳳丹觜

碧雞山

彩鳳山倒暈雲霞幻海市時平不見

習流軍藕絲孔縮垂龍苑莽莽淫淫葭茨中魚勇魚翁  
長孫子問起封姨擊怒雷四圍束濕鼓聲止一約量得  
幾多寬寬亦無過三百里我家三萬六千頃具區伯仲  
之間勿乃是倚君長笛吹徹洞庭秋鼉翻小海芥作堂  
坳舟

友蘭藉  
巴陵

清華洞和謝研溪明府

柰花苻葉漢時春鹿去山空不見人若使王褒重奉祀  
也隨金馬碧鷄神

原註漢時神  
鹿見即此洞

海珊詩鈔

補遺卷下

...



海珊詩鈔補遺卷下

海珊詩鈔補遺卷下

烏程 嚴 遂成

仙壇唱和即次仙韻

癸亥仲冬余謝交河事病甚逼除夕彌無聊賴  
適新安管子至善扶鸞因設壇請仙白姓諱光  
宗者為徵花史自甲子元旦始日唱和一詩積  
二十日管子歸仙亦騎鶴上天而余復病嗟乎  
天下之花衆矣此二十花中有名不甚盛濫竽  
在此位者他若蘭桂蓮菊之屬均負殊絕為自  
古賢人所矜賞竟一旦棄之如遺然則花固有

遇有不遇哉

梅花

東皇漏洩幾枝春一路迷離認不真  
近曉烟林禽喚夢薄寒風閣笛傷神  
悟來色相如禪寂占得生涯與水隣  
此樹愛閑閑有味無因說與不閑人

再咏梅花

先春開放最南枝天下花無此格奇  
竹外尋香人不見山中問影世相遺  
十分冷淡貧何甚一味清臞病者宜  
還囑東風加愛惜黃鸝啼苦落梅時

杏花

泥人春色滿墻頭曉怯餘寒露未收  
齒齟孫娘方薄笑

夜來風雨  
聲

泥人春色滿墻頭  
曉怯餘寒露未收  
齒齟孫娘方薄笑  
唾凝趙后得新愁  
輕霞馬影流金彈  
細雨簫聲倚玉樓  
宴散忽聞花嘆息  
勸農使者罷村遊

杏花村

東坡詩我是朱陳舊使君勸農曾入

桃花

研光熨帽絳羅襦  
爛熳東風態絕殊  
息國不言偏結子  
文君中酒乍當壚  
恠他去後花如許  
記得來時路也無  
若到瀉山應悟道  
紅霞紅雨總迷塗

志勤禪師在瀉山因桃花悟道

梨花

一枝帶雨報倉庫  
粉水銅邱久擅名  
薄薄雲中如幻夢

洛洛月下不分明似將白傅紗裙剪誰把寧王玉笛爭  
斜髻帽簷花解笑滿城欄檻散春聲

再咏梨花

雲腴元圃汁瓊田一樹離離玉可憐蝶翅馱香春澆露  
鶴翎梳夢夜籠烟寒霏素袖調箏地暖颭青旗釀酒天  
誰與洗粧攔作伴隔簾柳絮撲鞦韆

李花

博勞飛出水邊門錯認瓊華開滿村隔着冷雲相與語  
如來明月不留痕縞垂夜幌清於染英落春盤秀可飡  
吾是山人今衣白同君澹泊伴梨魂

李花號  
白人

再咏李花



吾是山人今夜白  
同天演法  
何季云  
白人

再咏李花

小桃倚爾玉玲瓏  
一色梨雲入夢同  
試餅何郎宜夜月  
掃着號國在春風  
却疑花樣如飛白  
不信禽名有竊紅  
三十六園遊未遍  
銀屏珠箔霧濛濛

海棠

通明殿護影重重  
聘與梅花賦彼穠  
衣櫛藏霞春旖旎  
鏡奩烘日夢惺忪  
明妃應恨何人画  
金屋無香不汝容  
最是一番新雨過  
鬢釵橫亂惹游蜂  
荆公詩画恐明妃

能香當以  
金屋貯汝

再咏海棠

欄杆紅玉帳紅綃百媚春城貯阿嬌睡味似逢鶯喚起  
酒痕欲借笛吹消風扶力作傚傚舞霞襯顏生脉脉潮  
歌側看来渾不定若非花聖是花妖

牡丹

簇起深紅間淺紅太平樓閣字懸空半風半雨歌鐘後  
如夢如仙罨畫中豹髓燈擎香蠟焰鳳頭鞋蹴氣毬叢  
消磨十戶中人賦換得穠華地一弓

芍藥

半脫宮衣霸眾芳果然浩態與狂香跗攢高髻明朝艷  
萼累層臺倚夕陽若侍甘泉應作相不逢時重亦稱王

可憐婪尾春瓶盡只賦將離貯錦囊

楊誠齋詩好為花  
王作花相不應只

夢累層臺倚夕陽若侍甘泉應作相不逢時重亦稱王

可憐婪尾春瓶盡只賦將離貯錦囊

楊誠齋詩好為花王作花相不應只

遣侍甘泉高陽郡王  
諱黃字時重姬姓

### 再咏芍藥

鼠姑俯爾笑軒渠風貌差殊儼並居  
脂洗楊妃新浴後醉扶杜牧暗遊初  
拆開錦繡段無數拗斷珊瑚枝不如  
碧服黃絲幫襯好一叢叢小紫茸車

### 楊花

輕於蘆絮薄於霜突趁東風過短墻  
每到月明成大隱轉因雲熱得佯狂  
撲來人面聲無力馱上蜂鬚色不香  
唯有遊絲貪結伴滿園鬧埽百花粧

水仙花

汀蘅洲葯伴無多以水為家奈冷何生業不須留寸土  
通詞直欲托微波清愁夜夜湘靈瑟澹掃年年越女羅  
九九消來消瘦甚避風臺築讀書窩

夾竹菴

連枝綴萼影幢幢遷向陽來靠午牕伯玉豈為君子獨  
退之原有侍兒雙不妨密與疎相間可是肥應瘦者幫  
歲伴佛桑來嶺北紅雲綠雨漲春江

再咏夾竹菴

一本生成不兩岐妣紅儷碧鎮相思薇之室可迎桃葉

樊素歌應演竹枝易面各分啼笑半同心絕少別離時

一本生成不兩岐  
妃紅儷碧鎮相思  
徽之室可迎桃葉

樊素歌應演竹枝  
易面各分啼笑半  
同心絕少別離時

此花若結垂垂實  
宴罷瑤池又樂池

樂池竹林見  
穆天子傳

### 薔薇花

歲華不鎖上蘭宮  
落得天霞片段紅  
鬥色疑輸錦步障  
聞香知異肉屏風  
刺多猜燕無心入  
條密狂蜂有路通  
七十二行鋪着地  
可容野客坐當中

野薔薇  
名野客

### 再咏薔薇

一架繽紛屯字文  
鄰牆拂處藉餘芬  
茱萸囊浥朝朝露  
翡翠屏開朵朵雲  
獨立根無將伯助  
旁擎蔓似亂絲棼  
研朱剪碧天工錯  
裙是湘君被鄂君

紫薇花

紫薇翁與紫薇郎多作名花捧玉皇華省何年移夢得  
酒樓半夜失君房驚風骨舞青虬瘦溽露茸垂絳綬長  
鐘鼓聲遙清不寐一池明月浸殘香

荼蘼花

屏山十二綴珠璣玉女橫陳白版扉枕畔分香先茉莉  
簾旌換影殿薔薇夢回麴部雲蒸甕顰效金沙雪糝衣  
分付四隣休摘盡飛英有會餞春暉

玉蘭花

藍田澧浦兩名流寶入庭階一樹收瀲灩盃翻銀鬢落

玲瓏釵髻玉搔頭羽衣小舞朝霞散團扇清歌夜月遊

藍田澧浦兩名流寶入庭階  
一極收漁澗盃翻金釵  
玲瓏釵髻玉搔頭羽衣小舞朝霞散團扇清歌夜月遊  
為抱素心香更遠臨風直欲上瓊樓

丁香花

沉水清馨發露叢  
綰來百結結當中  
星星燕剪捎鉛粉  
躍躍釵梁墮玉蟲  
後會應歌金鏤曲  
前身可住蕊珠宮  
尋常兒女花無數  
道是同心幾個同

凌霄花

此生如寄苦糾紛  
直上盤盤勢絕羣  
大有葵心將捧日  
便非龍爪亦擎雲  
蓬麻比爾扶偏直  
瓜葛同君拆不分  
何物子公多氣力  
由來大樹是將軍

山茶花

瑞香花 一名睡香 又名麝囊

么羈花身玉婉輝春來長是睡重幃婢驚色艷爭先折  
蜂戀香多不遠飛日炙郎當臍捧麝雲酣矮小錦張機  
誰憐埋沒隨芳草描取成圖襯舞衣 用吕大防守成都  
瑞香圖圖并序意

○吕又曰瑞  
香芳草也

玉蕊花

花心突起膽瓶持一一絲分十數絲異種舊傳唐主第



王蓮花

花心突起膽瓶持一一絲分十數絲異種舊傳唐主第  
嘉名新入衛公詩黃衫障扇烟霏遠清瑣雙書日影遲  
藉甚風華今頓盡翠罌香冷女郎祠

集蘓詩

吾鄉沈輪翁先生壬辰入翰林即乞假里居集  
蘓詩二十四首自道其江湖魏闕之思清切渾  
成不啻若自其口出余辛丑下第南歸雜以懷  
人之作亦効為之遠謝不逮而以數則過是既  
犯山谷百家衣之戒復買菜而求益也

襍被真成一宿賓眼者時事幾番新海南未起垂天翼

代北初辭沒馬塵強對黃花飲白酒却愁新進笑陳人  
背城借一吾何敢心跡都将付臥輪

干戈萬槩接笮籬造物將安以我為腰下牛閑方解佩  
盃中虵去未應衰只知紫綬三公貴莫負南臺九日期  
自笑塵勞餘一念玉堂金殿要論思

喜君奪得錦標還獨有黃楊厄閏年失路今為噲等伍  
着鞭從使祖生先詩書與我為趨藥禮樂方將訪石泉  
服藥千朝償一宿定中試與問諸天

更於何處覓蓬萊一壑能專萬事灰惘惘可憐真喪狗  
熙熙長覺似春臺欲窮風月三千界更看銀山二十回

安得夫差水犀手劈開翠峽走雲雷

熙熙長覺似春臺欲窮風月三千界更看錦山二十四

安得夫差水犀手劈開翠峽走雲雷

森森畫戟擁朱輪瑞霧香烟滿後塵半閱諸公坐廊廟  
試呼稚子整冠巾要知西掖承平事也着東坡病瘦身  
夢想生平消未盡杏花曾與此翁鄰

蕭蕭寒雨濕枯荻絃管生衣甌有埃如我自觀猶可厭  
誰人無事肯重來繞城駿馬誰能借極目扁舟挽不回  
還有江南風物否木棉花落刺桐開

逐客何人着眼看滯留江海勸加餐試開雲夢羔兒酒  
羞對先生首箇盤吳客漫陳豪士賦楚人休笑沐猴冠  
塞鴻正欲摩天去月斧雲斤琢肺肝

千步空餘僕射場坐看百物自炎涼橫機欲試東坡老  
癡疾還同顧長康嶺上踈星明煜煜牕前微月照汪汪  
乘槎遠引神仙客試問青天路短長

西南歸路遠蕭條坐看香煙遶白毫破悶徑須煩麴蘖  
橫空初不跨鵬鵬自知樂事年年減但覺胡床步步高  
坐睡尊前呼不應夢中歸思已泔泔

萬人如海一身藏不羨腰金照地光得喪悲歡反其故  
是非憂樂兩都忘誰憐寂寞高常侍獨憶平生盛孝章  
一夢分明墮鄉井烏程霜稻襲人香

人間膏火正爭光堂上鈎簾對晚香多事始知田舍好

思歸苦覺歲年長異同莫更疑三語身世何緣得兩忘

人間膏火正爭光堂上金籬望  
思歸苦覺歲年長異同莫更疑  
三語身世何緣得兩忘  
莫上岡頭苦長望白雲深處  
是吾鄉

分向江湖拜散人自慙黃潦  
薦溪蘋治經方笑春秋學  
閉眼聊觀夢幻身病馬已無  
千里志扁舟歸釣五湖春  
無心只是青山物莫向長沮  
更問津

我生飄蕩去何求浪迹常如  
不繫舟茆屋擬歸田二頃  
家書新報橘千頭安心好住  
王文度款段曾陪馬少遊  
得失秋毫久已冥卧吹簫管  
到揚州

強隨舉子踏槐花多病顛毛  
尚木華空詠連珠吟疊壁  
半紆春蚓縮秋蛇平生寓物  
不留物人事無涯生有涯

出本無心歸亦好琉璃百頃水仙家

白花黃葉使人愁醉有真鄉我可侯於此得全非至樂  
從他作病且忘憂何須魏帝一丸藥好卧元龍百尺樓  
舊事真成一夢過曲江船舫月燈毬

一洗人間萬事非仰看鴻鵠刺天飛海為瀾翻風為舞  
花已飄零露已晞不羨紫駝分御食故將白練作仙衣  
羈愁畏晚尋歸楫雨入淞江水漸肥

歲寒還喜五人同一笑江山發醉紅千首放懷風月裏  
百年暗盡往來中濁流若解污清濟社燕何由戀塞鴻  
知命無憂子何病世間馬耳射東風

壯心降盡倒風旌懶作燕山萬里行眾裡筌等誰比數

知命無憂子何病世間馬耳射東風

壯心降盡倒風旌懶作燕山萬里行  
衆裡笙竽誰比數草中狐兔不須驚  
故人飛上金鸞殿天廡新敞玉鼻驂  
欣戚已隨時事去春濃睡足午窗明

共訪襄陽龐德公風流儒雅稱吾宗  
坐談足使淮南懼問訊方知異北空  
苦恨相思不相見念渠無過亦無功  
包苴未肯鑽華屋回首觚稜一夢中

相逢有味是偷閑不用金丹苦駐顏  
落筆已吞雲夢澤割愁還有劔鋌山  
年拋造物陶甄外笑說生平醉夢間  
得酒強歡愁底事青雲飛步不容攀

鑪灰重撥尚餘熏只有閑心對此君  
枕上溪山猶可見

床前牛蟻未曾聞臨風有客唵秋扇載酒無人過子雲  
此外知心更誰是竹扉斜掩雨紛紛

蓬牕高枕雨如繩車馬敲門定不應枕麴先生猶笑汝  
齧瓊校尉久無朋豈知好事王夫子要識當年杜伯升  
杖策頻過知未厭青山斷處塔層層

我似枯桑困八蠶孝先風味也堪憐傳家各自聞詩禮  
與子不妨中聖賢美酒流連三夜月水光翻動五湖天  
人生如寄何不樂一枕清風值萬錢

風岩水穴舊聞名清遠聊為泛宅行但得低頭拜東野  
徒言共飲勝公榮卜隣尚可容三徑換馬還應繼二生

回首舊遊真是夢水沉燒盡碧烟橫



回首舊遊真是夢水沉燒盡碧烟橫  
若人如馬亦如班聊伴僧窗半日閑  
舊德終呼名字外遺聲恐在海山間  
幽人夜渡吳王峴遷客來從飯顛山  
千里論交一言定竹林高會許時攀

鳴鳩乳燕寂無聲柳絮飛時花滿城  
數畝荒園留我住半篙流水送君行  
近聞猛士收丹穴欲伴騷人賦落英  
為報年來殺風景抱叢寒蝶不勝情

睡息齁齁得自聞掩關晝卧客書裙  
獨携天上小團月自撥床頭一甕雲  
已許秋風歸過我還須雪夜去尋君  
殷勤莫忘分携處百頃荷花聚暗蚊

西湖西畔北山前任性逍遙不學禪試着芒鞋穿犖确  
故教鐵杖闢清堅三年不顧東陵女百丈休牽上瀨船  
此意自佳君不會滿江風月不論錢

野鳥遊魚信往還先生真是地行仙一壺往助齊眉餉  
二頃方謀負郭田閑右土酥黃似酒溪邊石蟹小如錢  
相從痛飲無餘事浮世功名食與眠

已將世界等浮塵紈袴儒冠皆誤身公業有田常乏食  
陶潛無酒亦從人西湖弄水猶應早南畝巾車正及春  
此味只憂兒輩覺搗殘椒桂有餘辛

軻坎憐君志未移扁舟震澤定何時有魚無魚何足道

以馬喻馬亦成癡勸子勿為官所腐多才終恐世相縻

以馬喻馬亦成癡勸子勿為官所腐多才終恐世相縻  
功名如幻終何得腸斷閨中楊柳枝

易可忘憂家有師從公已覺十年遲時人盡怪蘇司業  
後學過呼韓退之更肯悲吟白頭曲不妨還作輞川詩  
風流自有高人識雪嶺先看耐凍枝

飄然雲水一孤僧古寺無人竹滿軒嶺上晴雲披絮帽  
山頭落日側金盆少而寡欲顏常好病不開堂道益尊  
僧侶且陪香火社藍輿未暇走山村

天寒落日澹孤邨思與高人對榻論獨鶴不須驚夜旦  
此泉何處覓寒溫已聞龜策通人語始信丹經非妄言

只有無何真我里招呼明月到芳樽

淞江烟雨晚踈踈獨卧無人雪網廬造物亦知人易老  
神仙可學道之餘幽人自種千頭橘稚子新畦五畝蔬  
醉飽高眠真事業不如還叩仲尼居

落第汝為中酒味醒時與作嘯風辭粗言細語都不擇  
舊恨新愁只自知識字劣能欺項籍結交誰復許袁絲  
人間岐路知多少弱羽巢林在一枝





















